

**Broj:** 01/1- \_\_\_\_/22  
**Kakanj,** \_\_.01.2022.godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06, 51/09), člana 24. Statuta općine Kakanj ("Službene novine Općine Kakanj", broj: 4/08) i člana 94. Poslovnika o radu Općinskog vijeća ("Službene novine Općine Kakanj", broj: 6/11, 4/16 i 6/16), Općinsko vijeće na \_\_ sjednici, održanoj dana \_\_.01.2022.godine, **donosi**

### **O D L U K U**

#### **o izmjeni i dopuni Tarifnika o visini naknade za korištenje javnih površina**

##### **Član 1.**

Ovom Odlukom mijenja se i dopunjuje član 1. Tarifnika o visini naknade za korištenje javnih površina ("Službene novine općine Kakanj", broj: 3/13, 12/13 i 5/14).

##### **Član 2.**

U Tarifniku o visini naknade za korištenje javnih površina ("Službene novine općine Kakanj", broj: 3/13, 12/13 i 5/14) u članu 1. iza Tarifnog broj: 11 dodaje se stav koji glasi: "Naknada po Tarifnom broju 11. za poslovne subjekte i to pravna i fizička lica koji obavljaju taksi prijevoz se neće obračunavati za period 2022.godine, radi specifičnih uslova u taksi prijevozu za vrijeme trajanja pandemije (COVID 19)".

##### **Član 3.**

Ostale Odredbe Tarifnika o visini naknade za korištenje javnih površina ("Službene novine općine Kakanj", broj: 3/13, 12/13 i 5/14) ostaju neizmjenjene.

##### **Član 4.**

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj".

**PREDSJEDAVAJUĆI OPĆINSKOG VIJEĆA**

---

Slaven Katičić

## **OBRAZLOŽENJE**

Zaključkom Kolegija Općinskog vijeća Općine Kakanj broj: 01/1-12-K-457/21 od 16.12.2021.godine potrebno je da Općinski načelnik sa nadležnom službom izvidi mogućnost udovoljavanja inicijativi Udruženja taksista "Zeleni val" Kakanj za oslobađanje od plaćanja naknade za korištenje javne površine.

Služba za privredu, urbanizam i zaštitu okoline Općine Kakanj razmatrajući gore navedeno konstatovala je sljedeće:

Na području Federacije BiH, kao i općine Kakanj u proteklom periodu došlo je do otežanih uslova poslovanja u djelatnosti taxi prijevoza a uzrokovanih pandemijom (COVID 19), tako da je došlo do smanjenja obima posla lica koja obavljaju taxi prijevoz, a koriste javnu površinu i za istu plaćaju naknadu.

S toga se predlaže izmjena i dopuna člana 1. Tarifnika o visini naknade za korištenje javnih površina ("Službene novine općine Kakanj", broj: 3/13, 12/13 i 5/14) na način da se dopunjuje Tarifni broj 11. radi specifičnih uslova u taxi prijevozu u trajanju pandemije (COVID 19).

Ova Odluka predstavlja i finansijsku podršku za četrdeset jednog registrovanog taxi djelatnika na području općine Kakanj. Taxi prijevoz je bitan za funkcionisanje života u smislu spremnosti da u svakom momentu odgovore pozivu, te budu na usluzi građanima, pa je i stog aspekta njegovo funkcionisanje jako značajno.

Naknada koju svaki pojedinačni taxi djelatnik plaća na ime korištenja javne površine iznosi 63,18KM te oslobađanje od plaćanja ove naknade neće bitno uticati na Budžet Općine Kakanj.

**PREDLAGAČ**  
OPĆINSKI NAČELNIK

**OBRADIVAČ**  
SLUŽBA ZA PRIVREDU, URBANIZAM I  
ZAŠTITU OKOLINE